



Communicaziun a las medias

Data

gievgia, 5. fanadur 2018

Segirar il spazi vital ed economic en Svizra: PLANAT actualisescha la strategia davart ils privels da la natira

Il Cussegl federal ha prendi enconuschientscha da la strategia actualisada da la Plattafurma naziunala «Privels natirals» PLANAT ils 4 da fanadur 2018. La strategia 2018 «Gestiun dals ristgs da privels da la natira» resguarda circumstanças actualas sco l'augment da fenomens meteorologics extrens e l'utilisaziun intensivada da noss spazi vital. Cun quai contribuescha ella a lunga vista a la protecziun dal spazi vital ed economic da la Svizra.

In spazi vital ed economic segir è la premissa per qualidad da viver e bainstar. Segirtad absoluta na datti dentant betg. Eveniments natirals pon periclitir umans e valurs materialas sco er la productivdad economica d'in pajas. Quai mussan eveniments, sco per exempel las inundaziuns da l'onn 2005. Cun realisar la strategia dal 2018 segirescha la Svizra ses spazi vital ed economic a lunga vista.

Mantegnair il cumprovà, integrar il nov

La strategia dal 2018 «Gestiun dals ristgs da privels da la natira» remplazza la strategia dal 2004 «Segirtad encunter ils privels da la natira». Elements cumprovads da la strategia dal 2004 vegnan persecutads e svilup pads enavant, sco per exempel il management integral da ristgs. En la strategia actualisada definescha la PLANAT las finamiras da gestiunar ils ristgs da privels da la natira e declera, co che questas finamiras pon vegnir cuntanschidas. Per sa proteger adequatamain da privels da la natira sco inundaziuns, granella, stemprads u terratrembels e per reducir ils effects d'eveniments sin ina mesira supportabla na sto la Svizra betg be augmentar sia forza da resistenza. Impurtant èsi er ch'ella daventia svelta puspè capabla d'agir suenter in eveniment. Ultra da quai sto la Svizra esser pronta e capabla da s'adattar a circumstanças midadas. A quellas appartegnan per exempel undas da chalur u pli a pli er grevas precipitaziuns.

La strategia actualisada è adattada ad autras strategias naziunalas ed internaziunalas – sco «Svilup durabel 2016-2019» da l'Uffizi federal da svilup dal territori, «Adattaziun a la midada climatica 2012/2014» da l'Uffizi federal d'ambient u er «Sendai Framework for Disaster Risk Reduction» da l'ONU.

A tgi che la strategia sa drizza

La strategia privels da la natira 2018 sa drizza a tut tgi ch'influenzescha cun accziuns e decisiuns la gestiun dals ristgs da privels da la natira. Tar quels s'audan tranter auter politicras e politichers sco er autoritads sin tut ils stgalims, planisadras e planisaders, proprietaris d'edifizis ed er assicuranzas. Mintga persuna, mintga instituziun porta ristgs da privels da la natira – per sa senza sco er per la communitad. Il medem mument influenzeschan tuts las ristgas cun lur agir e lur cumportament. Per cuntanscher las finamiras visadas èsi impurtant che tuts ageschian comunablamain ed a moda solidarica.

Infurmaziun

- Fabrice Wullschleger, secretariat da la PLANAT
T: +41 (0)58 464 17 81, E: fabrice.wullschleger@bafu.admin.ch

Annexa

- Strategia «Gestiun dals ristgs da privels da la natira»

Internet

- PLANAT: www.planat.ch
- Analisa da las inundaziuns dal 2005:
<https://www.bafu.admin.ch/bafu/de/home/themen/naturgefahren/publikationen-studien/publikationen/ereignisanalyse-hochwasser-2005-prozesse-schaeden-und-erste-einordnungen.html>
- UFAM 2016: Gestiun dals privels da la natira en Svizra. Rapport dal Cussegl federal
<https://www.bafu.admin.ch/bafu/de/home/themen/naturgefahren/dossiers/naturgefahren-sicherheit.html#68998034>

Remartga

La versiun rumantscha da la strategia cumpara en curt. En il fratemp pudais vus telechargiar la versiun tudestga u franzosa sut ils links suandants:

www.planat.ch/de/strategie2018

www.planat.ch/fr/strategie2018